



Давлат дастури лойиҳаси муҳокамада: Қандай устувор вазифалар белгиланган?

“Юксалиш” умуммиллий ҳаракатининг jamoatchilik.uz платформасида йил дастури лойиҳаси кенг жамоатчилик муҳокама-масига тақдим этилиб, фуқароларнинг фикр-мулоҳазалари ва таклифлари ўрганилмоқда. Албатта, бу жараён Давлат дасту-рининг халқчил бўлишида, жойлардаги долзарб масалалар-нинг ҳал этилишида муҳим аҳамиятга эга.

2021 йил учун “Ёшларни қў-лаб-қувватлаш ва аҳоли саломат-лигини мустаҳкамлаш йили” Давлат дастури лойиҳаси шакллантирилиши-дан олдин ҳам кенг жамоатчиликнинг, аҳолининг таклифлари ўрганилди. Жумладан, платформа орқали фуқаролар, чет элда яшовчи ватандошлар, нодавлат нотижорат ташкилотларидан 2000 дан зиёд таклиф ва тавсиялар қабул қилинди.

Шу асосда ишлаб чиқилиб, Эълон қилинган Давлат дастури лойиҳасига жами 276 та банддан иборат. Шундан;

19 банд давлат ва жамият қурилиши-ни такомиллаштириш бўйича;

17 банд қонун устуворлигини таъ-минлаш ва инсон ҳуқуқларини ҳимоя қилиш бўйича;

113 банд иқтисодиётни ривожланти-риш бўйича;

96 банд ижтимоий соҳани ривожлан-тириш бўйича;

31 банд хавфсизлик, миллатларла-ро тотувлик ва диний бағрикенгликни таъминлаш, ташқи сиёсатни амалга ошириш бўйича вазифаларни ўз ичига олади.

этиш, ҳудудларни ижтимоий-иқтисодий ривожлантиришни рейтинг баҳолаш борасида тизимли мониторинг ўрнат-тиш, тадбиркорлик кодекси лойиҳасини ишлаб чиқиш, транспорт хизматлари кўламини кенгайтириш, зиёрат туризми ва ички туризми ривожлантириш, 2030 йилга қадар камбағалликни қисқарти-риш стратегиясини ишлаб чиқиш режа-лаштирилган;

Тўртинчи устувор йўналишда болаларни қўллаб-қувватлаш жамоат фондини ташкил этиш, “Ёшлар санаот ва тадбиркорлик зоналари”ни ташкил этиш, 2021–2023 йилларда ёшлар уйлари-ни қуриш дастурини амалга ошириш, Ўзбекистон талабалар ассоциациясини ташкил этиш, бепул тил ўрганиш элек-трон платформасини яратиш, аҳоли-нинг саломатлигини мустаҳкамлаш, хотин-қизларнинг ижтимоий-сиёсий фаоллигини ошириш, нурунийларни ҳар томонлама қўллаб-қувватлаш бўй-ича тизимли чора-тадбирларни амалга ошириш, арзон ўй-жойларни барпо этиш бўйича чора-тадбирларни амал-га ошириш, маданият, санъат, спортни янада ривожлантириш, болаларнинг мактабга таълимга қамровини 65 фо-



Иқтисодий чегараларда иш юретиш рақамлаштирилмоқда

Бу ташқи иқтисодий фаолият қатнашчиларига катта енгиллик яратяпти

Ҳозирда божхона тартиб-тамоийларини янада соддалаштириш, тизимда рақамли технологияларни кенг қўллаш орқали инсон омилини камайтириш, сод-да қилиб айтганда “Рақамли божхона”га ўтиш борасида кенг қамровли ишлар олиб борилмоқда.

Бугунги кунда божхона органларида 63 та ахборот тизими ва 28 та интерактив хизмат жорий этилган. Божхона расмийлаштируви жараёни 100 фоиз автоматлаштирилиб, шундан 13 та янги ахборот тизими 2020 йилда амалиётга татбиқ этилди.

Хусусан, божхона органларида “Хавфни бошқариш” тизимининг жорий этилиши натижа-сида бугунги кунда қонунга иттиқор тадбиркор-ларнинг экспорт ва импортга йўналтирилган маҳсулотлари тезкорлик билан божхона расмий-лаштирувидан ўтказилмоқда. Яъни, ташқи иқти-содий фаолият иштирокчилари хавф даражасига қараб тоифаларга ажратилиб, божхона кўриклари сони 1,4 баробарга камайтирилди.

Божхона расмийлаштируви вақти экспортда 1,7, импортда 1,4 баробарга қисқарди. Ҳозирги кунда 62 фоиз товарлар соддалаштирилган тартибда божхона расмийлаштирувидан ўтказилмоқда.

Божхона юк декларацияларини автоматик рўйхатга олиш ва автоматик тақсимлаш жорий этилган, илгари бу жараёнда бир неча хизмат китоблари юритилиб 2-3 соат вақт кетган бўлса, энди 1-2 дақиқа сарфланмоқда.

Таҳлилларга кўра, 2020 йилда вилоят ташқи савдо айланмаси 1,4 миллиард долларни ташкил этди. Бунда импорт 1,1 миллиард долларни таш-кил қилди. Шунингдек, 591 та экспортчи корхона-лар томонидан 124 миллион долларлик мева-саб-завот, 73,5 миллион долларлик тўқимачилик, 22,5 миллион долларлик озиқ-овқат, 21,1 миллион долларлик транспорт ва унинг эҳтиёт қисмлари, 73,7 миллион долларлик бошқа товарлар хорижга экспорт қилинган.

Ташқи савдо айланмасида энг юқори улш

Хитой, Россия, Туркия ва Япония давлатлари ҳис-сасига тўғри келмоқда.

2020 йилда 1 триллион 193 миллиард сўмлик божхона тўловлари давлат бюджетига ундирилди. Бу эса 2019 йилга нисбатан 35 фоизга кўп. Бундан ташқари, ташқи иқтисодий фаолият қатнашчилари-ни қўллаб-қувватлаш мақсадида импорт қилинган товарларга қонунчиликда белгиланган ставкалар асосида жами 1 триллион 700 миллиард сўм божхона тўловларидан имтиёзлар қўлланилди.

Пандемия шароитида вилоятда фаолият юри-таётган 101 нафар тадбиркорлик субъектига жами 252 миллиард сўм божхона тўловларини кечикти-риб тўлаш имконияти берилди.

Умуман, ўтган йилда “Яширин иқтисодиёт”-га қарши курашиш доирасида вилоятда 508 та ҳуқуқбузарлик ҳолати аниқланиб, 4 миллиард сўмлик товар-моддий бойликлар ашёвий далил сифатида олиб қўйилди.

Шунингдек, 10,2 миллиард сўмлик қўшимча божхона тўловлари ҳисобланди. Қонунбузарларга нисбатан 25 та жиноят иши кўзга ташланди.

24 та ҳолатда 8,6 килограмм гиёҳвандлик воситаларининг ноқонуний айланувига чек қўйилди.

Жорий йилда тизимда яна 16 та ахборот ти-зимини ишлаб чиқиш ва амалиётга жорий этиш режалаштирилган. Мисол учун, чегара божхона постлари орқали ҳаракатланаётган автотранс-порт воситаларини давлат назоратидан ўтказиш ва пост ҳудудидан чиқиб кетишининг назорати “электрон шлагбаум”га асосланган, “Транспорт назорати” автоматлаштирилган ахборот тизими амалиётга жорий этилмоқда.

Тизим ёрдамида товар ва транспорт воситала-



ри чегара ўтказиш пунктларига кириб келишидан чиқиб кетгунгача бўлган назорат тадбирлари автоматлаштирилиб, инновацион (ақлли) божхона пости амалиётга жорий этилди.

Янги бинода иш бошлаган “Самарқанд” ташқи иқтисодий фаолият божхона постида банк шохба-часи, сертификат идоралари ва божхона брокер-лари фаолият олиб бориши учун хоналар ажра-тилган.

Вилоят ҳокимлигининг ташаббуси билан тад-биркорлик субъектларининг экспорт товарларини четга олиб чиқишида қўлайлик яратиш, вақт ва ҳаражатларни тежаш мақсадида Тожикистон Республикаси билан чегарада жойлашган “Жар-тепа” чегара божхона пости яна ўз фаолиятини бошлади.

Фақат халқаро юк ташувчиларнинг юк авто-транспорт воситалари ҳаракатланиши белгилан-ган мазкур пост орқали энди вилоятнинг тад-биркорлари ҳам ўз товарларини қўшни давлатга экспорт қилишлари ёки товарлар импортини амалга оширишлари мумкин.

Яқуб МИРЗАРАХИМОВ,
вилоят божхона бошқармаси бошлиғи.



2021 йил ДАВЛАТ ДАСТУРИ ЛОЙИҲАСИ ЭЪЛОН ҚИЛДИ

Шунингдек, Давлат дастури лойиҳа-сига Ўзбекистон Республикаси Пре-зидентининг 2020 йил 29 декабрдаги Парламентга Мурожаатномасидан келиб чиқиб, долзарб ва муҳим вазифалар киритилган. Хусусан:

Биринчи устувор йўналишда давлат шунингдек, қўйи ва ўрта бўғин бошқарув органлари, маҳаллий ижро ва вақиллик органлари фаолиятини тубдан такомиллаштириш, давлат органлари ҳаражатлари бўйича жамоатчилик назор-ратини кучайтириш, нодавлат нотижорат ташкилотларининг роли ва аҳамиятини, ижтимоий фаоллиги ва фаолиятининг самарадорлигини ошириш вазифалари киритилган. Бунинг учун тегишли му-датларда қонун ва қонуности норма-тив-ҳуқуқий ҳужжатлар лойиҳаларини ишлаб чиқиш белгиланмоқда;

Иккинчи устувор йўналишда суд бошқарувчилари фаолиятини тубдан такомиллаштириш, юридик хизмат кўрсатиш марказларини ташкил этиш, коррупцияга қарши курашиш тизимини янада такомил-лаштириш, “Обод ва хавфсиз маҳалла” тизимини жорий қилиш, маъмурий жазо-лар миқдорини маъмурий ҳуқуқбузарли-кларнинг хавфлилик даражасидан келиб чиқиб мақбуллаштириш кўзда тутилган;

Учинчи устувор йўналишда инфля-циявий таргетлаш доирасида нарх-наво барқарорлигини таъминлаш, бюджет барқарорлигини таъминлашга қаратил-ган бюджет қоидаларини такомиллашти-риш, суверен халқаро облигацияларда миллий валюта улүшини ҳозирги 25 фоиздан камидан 40 фоизга ошириш, бюджет тизими шаффофлигини таъмин-лаш, солиқ маъмуриятчилигини такомил-лаштириш, банклараро валюта бозорини ривожлантириш, табиий газ ва электр энергиясининг назорати ва ҳисобининг автоматлаштирилган тизимини жорий

изга етказиш, ягона “Электрон таълим” тармоғини жорий қилиш, физика фани ва чет тиллари бўйича узлуксиз таълим сифати ва натижадорлигини ошириш, олий таълим муассасаларига давлат гранти асосидаги қабул кўрсаткичлари-ни камидан 25 фоизга ошириш, энг юқори балл тўплаган 200 нафар ёшлар учун Президент грантини жорий этилади;

Бешинчи устувор йўналишда Куролли Кучлар салоҳиятини ошириш, “Фавқулодда ҳолат тўғрисида”ги Қо-нун лойиҳасини ишлаб чиқиш, Халқаро миграция ташкилоти (ХМТ) билан ҳамкорликни кенгайтириш, муҳофаза этиладиган табиий ҳудудлар майдонини кенгайтириш ва экотуризмни ривожлан-тириш, иқлим ўзгариши оқибатларини юмшатиш бўйича Ўзбекистон Республи-касининг ташқи сиёсатида иқтисодий дипломатияни фаол илгари суриш, чет элда истиқомат қилаётган ватандошлар-имизни ҳар томонлама қўллаб-қувват-лаш, Қозғоғистон, Қирғизистон, Тожи-кистон ва Туркменистон билан яқин қўшничилик алоқаларини мустаҳкамлаш каби вазифалар белгиланган.

jamoatchilik.uzda муҳокамалар давом этмоқда. 2021 йил 25 январь ҳолатида лойиҳа бўйича 600 дан зиёд таклиф билдирилган. Энг кўп таклиф (210 дан кўпроқ) учинчи йўналиш юзасидан, энг ками (21) эса бешинчи йўналишда эди. Сиз ҳам мамлакат тараққиётига дахлдор фуқаро сифатида Ўзбекистонни 2021 йилда ривожлантириш учун устувор ма-салаларни аниқлаштиришда ўз фикр ва таклифларингиз билан иштирок этинг!

Дилнур АЪЗАМОВ,
“Юксалиш” умуммиллий ҳаракати
вилоят бўлини маси бош мутахассиси.

Қашқадарёлик депутатлар самарқандликлардан нимани ўрганмоқчи?

Ўтган шанба кuni халқ депутатлари Қашқадарё вилояти, шаҳар ва туманлар Кенгашлари котибият мудирлари вилоят-тимизда меҳмон бўлди.

Қашқадарёлик котибият мудир-лари дастлаб халқ депутатлари Самарқанд шаҳар Кенгаши фаолияти билан яқиндан таништи. Сессия-ларга ҳужжат тайёрлаш, депутатлик гуруҳлари, доимий комиссиялар томонидан муайян масалани ўрга-ниш, депутатларнинг сайловчилар мурожаати билан ишлаш тартиби бўйича ўзаро фикр алмашди.

Меҳмонлар шунингдек, вилоят Кенгашининг депутатлар ва сенатор-лар хонаси, “Маслаҳат кенгаши” ва доимий комиссияларининг иш ҳужжатлари номенклатураси билан таништи. Бу ерда халқ депутатлари вилоят Кенгаши котибият мудир-и Ш.Йўлдошев қашқадарёлик коти-бият мудирларига сессиялар олди-дан “Маслаҳат кенгаши” йиғилиши ўтказилиши, сиёсий партияларнинг депутатлик гуруҳлари томонидан ўрганилган масалалар муҳокама қилиниб, сўнг сессия кун тартибига киритилиши ҳақида маълумот берди.

– 2020 йил январь ойида Олий Мажлис Сенатининг дастлабки ялпи мажлисида Президентимиз маҳаллий

Кенгашлар фаолияти самарадор-лигини ошириш, уларнинг назорат фаолиятини кучайтириш бўйича муҳим таклифларни билдирган эди, – дейди халқ депутатлари Қашқадарё вилояти Кенгаши котибияти мудир-и Нилуфар Утаганова. – Шундан келиб чиқиб, дастлаб намуна сифатида Самарқандда Кенгаш котибияти тузилди. Ўтган вақт давомида сес-сияларни ташкил этиш, Кенгаш ва доимий комиссиялар иш режаларини шакллантириш, уларнинг ижросини мувофиқлаштириб бориш, сессиялар билан боғлиқ ташкилий, ҳуқуқий, ахборот-таҳлилий фаолият бўй-ича Самарқандда муайян тажриба тўплаган.

Қонунчилик киритилган ўзгар-тишга асосан жорий йилдан барча вилоятлар, шаҳар ва туманларда ҳам котибият ташкил этилмоқда. Бугун биз Самарқанд тажрибасини амалда кўрдик, ўргандик, айрим жиҳатлар бўйича котибият мудирлари, депу-татлар ва сенаторлар билан фикр алмашдик.

Фазлиддин РЎЗИБОВЕВ.

2020 йил 25 декабрь куни ўтказилган Ёшлар форуми-да давлатимиз раҳбари талабаларнинг таклифларини тинглаб, уларни қўллаб-қувватлаган эди. Хусусан, ўша тадбирда самарқандлик талабалардан бири томонидан билдирилган талабалар ассоциациясини ташкил этиш таклифи ҳам маъқулланганди.

Ўзбекистон талабалар ассоциацияси ташкил этилди

Ўтган hafta Самарқандда Олий ва ўрта махсус таълим ва-зирлиги, Адлия вазирилик, Ўзбе-кистон ёшлар ишлари агентлиги ва вилоят ҳокимлиги ҳамкорлиги-да талабалар ассоциациясининг биринчи таъсис форуми ташкил этилди.

Онлайн-мулоқот тарзида ўтказилган тадбирда мамлака-тимиздаги нуфузли олий таълим муассасалари билан бираг Халқаро университетлар ассоциация-си, АҚШ, Япония, Жанубий Корея, Хитой, Нидерландия, Россия, Ҳиндистон, Афғонистон, Исроил, Туркия, Беларус, Венгрия каби давлатларнинг талаба-ёшлари иштирок этди.

– Ассоциацияни ташкил этиш-дан асосий мақсад талабаларни жамоатчилик бошқаруви асосида бирлаштиришдан иборат, – дейди Самарқанд давлат университети ректори Рустам Холмуродов. – Давлатимиз раҳбари бу ташаббус самарқандлик ёшлардан чиққан экан, улар муаллифлик қилсин,

шу вилоят ассоциациянинг жой-лашув ўрни бўлсин, деган фикрни илгари сурди.

Форумда Ўзбекистон талаба-лар ассоциациясини ташкил этиш масаласи онлайн сўровнома орқали овозга қўйилди. Унда иштирок этганларнинг деярли барчаси Самарқанд давлат университети ҳузурида Ўзбекистон талабалар ассоциациясини ташкил этишни ёқлаб овоз берди.

– Юртбошимизнинг форум доирасидаги ёшлар билан уч-рашувида Ўзбекистон талаба-лари ассоциациясини ташкил этиш таклифини билдирган эдим, – дейди Самарқанд давлат чет тиллар институти талабаси Маржона Самадова. – Орадан кўп ўтмай, бу ташаббус амалга ошди. Ишонманки, ушбу лойи-ҳа мамлакатимизда талабалар жамияти қурилишининг муҳим пойдевори бўлади.

Тадбирда вилоят ҳокими ўрин-босари Х.Очилов иштирок этди.
Тўлқин СИДДИҚОВ.

Самарқандда кадрлар билан ишлашда янгиликлар бўлади

Ўзбекистон Республикаси Президенти 2020 йил 29 декабрдаги Мурожаатномасида миллий кадрларнинг янги авлодини шакллантириш, юқори технологиялар ва замонавий билим олишга интилувчан ёшларнинг малака ва кўникмаларини ошириш, кадрларни танлаш ва ишга қабул қилишнинг очиқлик сиёсати масалаларига алоҳида тўхталиб ўтди.

Бундан ташқари, Мурожаатномада қуйидаги вазифалар амалга оширилиши қайд этилди:

- давлат бошқаруви идоралари фаолиятини тубдан такомиллаштириш талаб қилинади;
- бошқарув идораларининг ҳудудий масалаларни ҳал қилишдаги маъсулият ва жавобгарлиги кучайтирилади;
- маҳаллий ижро органлари, вакиллик идоралари ҳамда маҳалланинг институционал асослари янада такомиллаштирилади;

- коррупциянинг ҳар қандай кўринишига муро-сасиз бўлиш кундалик ҳаёт тарзимизга айланиши шарт;
- давлат ва жамият бошқарувида ёшларнинг ўрни ва мавқеини янада мустаҳкамлаш – ислохотларимизнинг энг устувор йўналишларидан бири бўлади.

Юқоридагилардан келиб чиқиб, кадрлар соҳасидаги устувор вазифалар ижросини таъминлаш мақсадида виллоят ҳокимлиги томонидан аниқ режалар белгилаб олинди. Бунда биринчи навбатда, виллоятда юқори технологиялар ва замонавий билим олишга интилувчан, ташаббускор, иқтидорли ва юқори салоҳиятли кадрларни ҳар томонлама қўллаб-қувватлаш ҳамда “Самарқанд виллоят ҳокимлиги олтин захираси”ни шакллантириб боришга алоҳида эътибор қаратилади.

Кадрларни танлаш ва ишга қабул қилишда эски усуллардан воз кечиб, шаффоф, очиқ ва ошкора танлов тизими йўлга қўйилади.

Шу мақсадда 2021 йилда қуйидаги масалалар доимий эътиборимизда бўлади:

- **Биринчидан**, мавжуд 1102 та маҳалла фуқаролар йиғинлари раисларининг 2020 йилдаги фаолияти таҳлил қилиниб, энг фаоллари сараланиб, мутахассислиги ва тажрибасидан келиб чиқиб, тегишли лавозимларга захирга олинади. Малака ва кўникмаси оширилади ва йил давомида фаоллик кўрсатган маҳалла раислари тегишли лавозимларга тавсия этилади.
- **Иккинчидан**, касб-ҳунарغا ва тадбиркорликка

қизиқиши бор, интилувчан ёшлар рўйхатини шакллантириб, уларнинг билим ва кўникмаларини оширишга тренинглари ташкил қилинади. Энг юқори кўрсаткичга эришган ёшлар виллоят ҳокимлигининг “Самарқанд келажак жавоҳирлари” истиқболли кадрлар захирасига киритилади.

Учинчидан, юқори технологиялар ва замонавий билим олишга интилувчан ёшларнинг малака ва кўникмаларини оширишга қаратилган ўқув курслари ва тренинглари ташкил қилиш орқали уларнинг фаолияти мониторинг қилиб борилади. Мониторинг натижасига кўра, ташаббускор ва фидойиллик кўрсатган иқтидорли ва юқори салоҳиятли ёшлар “Самарқанд келажак жавоҳирлари” истиқболли кадрлар захирасига олинади, шу орқали рақобатбардош миллий кадрларнинг янги авлодини шакллантирилади.

Тўртинчидан, корхона ва ташкилотлар кесимида кадрларни ишга олишда коррупциянинг олдини олиш бўйича давлат хизматчиларини мунтазам ўқитиш ва билимини баҳолаб бориш тизими йўлга қўйилади, коррупцияга қарши курашиш борасидаги тарғибот тадбирларига барча давлат органлари, сиёсий партиялар, жамоат ташкилотлари, оммавий ахборот воситалари жалб этилади. Кадрларни танлашда уларнинг интеллектуал салоҳиятини, маънавий фазилатларини баҳолайдиган очиқ ва ошкора танлов тизimini йўлга қўйиш механизми яратилади.

Бешинчидан, 2021 йилги – Ўзбекистон Республикаси Президенти сайловларини юқори даражада ташкил этиш учун виллоят, шаҳар ва туманлар ҳамда округ ва участка сайлов комиссиялари аъзоларини сайлов қонунчилигидаги сўнгги ўзгаришлар ва меъриёй-ҳуқуқий ҳужжатлар билан таништириш бўйича ўқув курслари ва тренинглари ташкил қилинади. Аввалги сайловларда халқро қузатувчилар томонидан берилган мақбул тавсиялар

амалиётга татбиқ этилади.

Олтинчидан, виллоят ҳокимининг ўринбосарлари, маслахатчилари, ёрдамчиси, гуруҳ раҳбарлари, шаҳар ва туманлар ҳокимлари, уларнинг ўринбосарлари ҳамда секторлар раҳбарлари ҳар ҳафтада қабул қилинган Президент қарорлари, фармойишлари ва фармонларининг мазмун-моҳияти билан таништириб борилади.

Еттинчидан, бошқарма, корхона ва ташкилотлардаги хотин-қизлар фаолияти таҳлил қилинади. Муносибларини амалдаги ва истиқболдаги раҳбарлик захирасига киритиб, тегишли лавозимларга белгилаб қилинади тавсия этиш ҳамда тайинлаш амалиёти йўлга қўйилади.

Саккизинчидан, виллоят, шаҳар ва туманлар бошқарма ва ташкилотлари ҳамда шаҳар ва туманлар ҳокимларининг ўринбосарлари фаолиятини ташкиллаштиришга қаратилган махсус ўқув курслари ва тренинглари ташкил этилади. Ҳар ой якуни билан энг муҳим самарадорлик кўрсаткичлари (КРІ тизими) асосида баҳолаб, таҳлил қилиб борилади.

Тўққизинчидан, шаҳар ва туманлар ҳокимликлари, виллоят бошқармалари, ташкилотларининг раҳбар ва кадрлар бўйича масъуллари билан ҳамкорликда белгилаб қилинган тартибда малакали кадрларга бўлган эҳтиёж таҳлил қилинади ҳамда тегишли буюртмалар портфели шакллантирилади.

Юртимизда олиб борилаётган ислохотларнинг тўб моҳияти – фуқароларимизнинг давлатдан ва ҳаётдан рози бўлишини таъминлаш, мамлакатимиз иқтисодиёти-ни дунёнинг ривожланган давлатлари даражасига олиб чиқишга қаратилган.

Ана шу эзгу мақсадларга эришиш, шубҳасиз, интеллектуал жиҳатдан юқори салоҳиятли, ватанпарвар, халқпарвар ва фидойи давлат хизматчиларига боғлиқ.

Бунинг учун **ҳар бир давлат хизматчиси** ўз устидан тинимсиз ишлаши, давлатимиз раҳбари томонидан қабул қилинаётган ҳужжатларни “Президент қарорлари – ҳаётда ва назоратда” шиори асосида ўрганиб, ижросини сўзсиз таъминлаш, халқни рози қилиш асосий мезон эканлигини англаши мақсада мувofiқ.

Беҳзод РАҲМАТУЛЛАЕВ, виллоят ҳокимлиги ташкилий-назорат гуруҳи раҳбари.

Давлат ва жамият бошқарувини янада эркинлаштириш, инсон ҳуқуқлари ҳимоясининг самарали ва таъсирчан тизimini яратиш, жамиятдаги камчилик ва иллатларга барҳам бериш, бу борада, айниқса, оммавий ахборот воситаларининг иштирокини таъминлашда ҳали қилинадиган ишлар талайгина. Шунинг учун Президентимиз Олий Мажлисга Мурожаатномасида “Оммавий ахборот воситалари мамлакатимизда амалга оширилаётган кенг қўламли ўзгаришларни ҳолис ёритиш билан бирга, жойлардаги мавжуд долзарб муаммоларга давлат идоралари ва жамоатчилик эътиборини қаратиб, уларни бартараф этишга барча даражадаги раҳбарларни даъват этиб, ундаб келаятганини алоҳида таъкидлаб ўтмоқчиман. Улар том маънода “тўртинчи ҳокимият”га айланиб бормоқда”, деб алоҳида таъкидлади.

Сўз эркинлиги – давр ва бугунги ислохотлар талаби

Айтилганидек, “Аччиқ ва танқидий материаллар жойлардаги кўплаб амалдорларга ёқмаслиги, уларнинг тинчини ва ҳаловатини бузаётгани ҳам бор гап. Лекин ошқоралик ва сўз эркинлиги – бу давр, Ўзбекистондаги ислохотларнинг талаби”.

Мамлакатда бугун 1500 дан ортиқ турли мақомдаги оммавий ахборот воситалари фаолият олиб бормоқда. Ҳўжалик юртурувчи субъект сифатида ишлаётган ОАВнинг асосий фаолияти ахборот тўплаш, таҳлил қилиш, холислик ва тезкорлик билан тарқатишдан иборат. Ана шундай муҳим вазиятни ташкиллаштиришга қаратилган махсус ўқув курслари ва тренинглари ташкил этилади. Ҳар ой якуни билан энг муҳим самарадорлик кўрсаткичлари (КРІ тизими) асосида баҳолаб, таҳлил қилиб борилади.

Ҳокимият”, деб ҳам аталади. Бежизга Мурожаатномада “холис ва адолатли журналист ва блогерларнинг танқидий чиқишлари эскича қолмади шайдай раҳбарларнинг фаолиятидаги хато-камчиликларни кўрсатиб, уларни иш услубини ўзгартириш ва маъсулятини оширишга мажбур қилмоқда”, деб таъкидланмади.

Бундан кейин ҳар бир давлат органи ўз кундалик фаолиятида оммавий ахборот воситалари билан яқин мулоқот ва ҳамкорликни йўлга қўйиши, айниқса, ҳар бир туман ва шаҳар ҳокими камбағалликни қисқартириб бўйича қабул қилинган манзилли дастурлар ижроси бўйича ҳар қарақда маҳаллий Кенгашлар билан бирга оммавий ахборот воситалари орқали халққа ҳисобот бериш бориши зарурийлиги белгиланди. Бу эса барча раҳбарларнинг биринчи даражали вази-

фаси ва иш самарасини баҳолайдиган асосий мезонга айланиши кераклиги, яъни янги механизм жорий этилиши кўзда тутилмоқда.

Жорий йилда сўз эркинлигини таъминлаш, оммавий ахборот воситаларини ҳар томонлама ривожлантириш, журналист ва блогерларнинг эркин фаолият юритиши учун ҳуқуқий асослар янада такомиллаштирилади.

Биламизки, бугун давлат бошқаруви ва жамият ривожланишига коррупция салбий таъсир кўрсатмоқда. Коррупцияга қарши муросасиз курашишда албатта, оммавий ахборот воситаларининг ўрни бекиёс. Шунга кўра, оммавий ахборот воситаларининг мақоми, ҳуқуқ ва эркинликларини кучайтиришда амалдаги қонунчиликни такомиллаштириш, журналистларнинг касбий фаолият дахлсизлигини таъминлашга тўғри келади.



Бундан кейин “жамоатчилик эшитувлари” ва “жамоатчилик мониторинги” тизими жорий қилинади. Бу жараёнда фуқаролик жамияти институтлари, оммавий ахборот воситалари фаол жалб этилади. Адлия вазирлиги барча оммавий ахборот воситалари, жумладан, телевидение орқали “Президент қарорлари – ҳаётда ва назоратда” мавзусида кўрсатув ва чиқишлар ташкил этиб, халқимизга ислохотларнинг моҳияти ва натижаларини етакчи бориш тизimini татбиқ қилади.

Юқоридагилардан кўриниб турибдики, оммавий ахборот воситалари фаолиятининг янги кўринишлари юзага келмоқдаки, давлат ва жамият бошқарувида уларнинг иштирокини ҳуқуқий жиҳатдан қўллаб-қувватлаш орқали нуфузини янада ошириш ва мустақиллигини таъминлашга эришиш мумкин.

Гулнора ХУДОЙБЕРДИЕВА, Тошкент давлат юридик университети ихтисослаштирилган филиали доценти, юридик фанлар номзоиди.

Халқ қалбига қулоқ тутиб...

Ўзбекистон Республикаси Президентининг Самарқанд туманидаги Халқ қабулхонаси томонидан 2020 йилда 1077 та жисмоний ва юридик шахсларнинг мурожаати рўйхатга олинган. Уларнинг 699 таси тумандаги ташкилотларга, 176 таси юқори ташкилотларга юборилган. 202 та мурожаат туман Халқ қабулхонасининг кўриб чиқилган.

Мурожаатларнинг 410 таси ижобий ечимини топган, 197 таси ҳуқуқий маслахат ва маълумот бериш орқали ҳал этилган, 384 та мурожаат бўйича муаллифларга ёзма тўшунтириш берилган.

Шу ўринда қайд этиш лозимки, мурожаатлар билан ишлашда камчиликларга йўл қўйган 5 нафар масъуллар интизомий, 1 нафари маъмурий жавобгарликка тортилиб, 1 нафар шахс билан тузилган меҳнат шартномаси бекор қилинган.

Халқ қабулхонасига келиб тушган мурожаатларнинг 63 таси ички ишлар идоралари фаолияти, 61 таси алиммент, 55 таси уй-жой ва ер билан таъминлаш, 38 таси қурилиш, 25 таси соғлиқни сақлаш соҳасида, 15 таси суд масаласида бўлди.

Энг кўп мурожаат – 108 та газ, электр, сув ва иссиқлик таъминоти юзасидан, 35 таси коммунал тўловларни ҳисоблаш масаласида рўйхатга олинган. Шунингдек, 178 та солиқ тўловлари масаласида мурожаат келиб тушган.

Қабулхонада 22 марта туман раҳбарларининг жисмоний ва юридик шахслар билан мулоқоти ташкил қилинди. Бундан ташқари, 92 та сайёр қабуллар уюштирилиб, унда 704 та мурожаат кўриб чиқилди.

Мурожаатларда умуманфаати кўзланган, кўпчилиكنинг муаммосига айланган масалалар ҳам кўтарилмоқда. Айни шундай



масалалар, туман, ўрни келганда виллоят ташкилотлари орқали ўз ечимини топаётпти. Мисол учун, туман 4-сектор раҳбарининг ёшлар билан ўтказган учрашувида келиб тушган мурожаатга асосан ҳудуддаги мактабга мусиқа асбоблари, касб-ҳунарга ўқиш учун тикув машиналари оlib берилди.

Тумандаги 37-умумий ўрта таълим мактаби фаоллар залининг том ва пол қисми таъмирланди.

Халқ қабулхонасида ижро органлари раҳбарлари билан бирга судлар томонидан ҳам жисмоний ва юридик шахсларнинг қабули ўтказиб келинмоқда. Жумладан, виллоят судлари томонидан ташкил этилган сайёр судларда 4 нафар шахс жазони ўташдан мuddатидан олдин озод қилинди. Маъмурий ишлар юзасидан 8 нафар шахсга нисбатан ишлар тугатилди.

И.МУРОДОВ, Самарқанд туманидаги Халқ қабулхонаси мудир.

Кейинги йилларда Қўшрабoт тумани тиббиёт бирлашмасига қарашли марказий шифохона биноси таъмирланиб, замонавий мебель жиҳозлари ва тиббий асбoб-ускуналар билан таъминланди.

Қўшрабoтда 70 нафарга яқин врачга эҳтиёж бор

– Бинолар янгича кўринишга эга бўлиб, замон талаблари асосида жиҳозлангани билан тиббий хизмат сифатини ошириб бўлмайди, – дейди туман тиббиёт бирлашмаси бошлиғи Улуғбек Шамсиев. – Замонавий тиббий ускуналардан тўғри фойдаланиш керак. Бунинг учун малакали мутахассислар зарур. Туманимизда олий маълумотли тиббиёт ходимларига эҳтиёж катта. Бугунги кунда тиббиёт муассасаларимизда 142 нафар шифокор меҳнат қилмоқда. Улардан 18 нафарини 30 ёшгача, 22 нафарини 60 ёшдан 70 ёшгача, 4 нафарини 70 ёшдан ошганлар ташкил қилади. Бу аҳолиси 132 миң нафарга яқин бўлган, 603 устига тарқок жойлашган туман учун етарли эмас, албатта. Умуман олганда, 67 та врачлик иш ўрни бўш турибди.

Кейинги йилларда тиббиёт коллежларини битириб, ишсиз юрган ёшлар кўпчилиكنи ташкил этади. Бу муаммо Қўшрабoтда ҳам бор.



– Туман тиббиёт бирлашмасига қарашли шифо масканларида 832 нафар ўрта тиббиёт ходими фаолият юртияпти, – дейди У.Шамсиев. – Уларнинг 265 нафари 0,5, 126 нафари эса 0,75, қолганлари тўлиқ штат биригидега ишлаб келмоқда. Тиббиёт коллежларини битирган ва мутахассислиги бўйича иш сўраб мурожаат қилган 170 нафар йигит-қиз ишга қабул қилиш учун рўйхатга олинган. Улар навбати билан, синов асосида ишга жойлаштирилмоқда. Бу масаланинг ечимини бўйича иш ўринларини ўрганишимизда оилавий шароити яхши бўла туриб, нафақа ёшида ҳам ишлаб юрган аёллар борлиги аниқланди. Улар ўз ўринларини ёшларга бўшатиб беришни истамайди. 28 нафар хотин-қиз эса кичик тиббиёт ходими сифатида ишга кириш учун навбатда турибди.

Жорий йилда Самарқанд тиббиёт институти битирувчиларини ишга жалб қилиш ва мақсадли ординатура орқали врачларга бўлган эҳтиёжни қоплашни мўлжаллаётимиз. “Қўшрабoт” кишлоқ врачлик пункти учун янги бино қурилади. Қовунчи, Қувқалла, Пангат ва Жонбулоқ кишлоқларидаги тиббиёт муассасаларида капитал таъмирлаш ишлари бажарилади. Пангат ва Қувқалла маҳаллаларида тез тиббий ёрдам шохобчаларини ташкил қилиш ва автомашина билан таъминлаш режалаштирилган.

Дилноза ҲАСАНОВА.

Ер участкасига бўлган ҳуқуқ қандай тартибда тугатилади?

Янги тартибга кўра, бу иш айрим ҳолларда тегишли ҳокимлик ёки Ҳукумат қарори асосида амалга оширилади. Баъзи ҳолларда суд қарорисиз бу ишга рухсат берилмайди. Мазкур ҳодалар белгиланган “Мулкдорлар ҳуқуқлари ва қонуний манфаатларининг кафолатлари янада кучайтирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги Қонун 2020 йил 23 декабрдан кучга кирди.

Ушбу қонун билан бир қатор қонун ҳужжатларига, хусусан, Ер кодексига ҳам ўзгартириш ва қўшимчалар киритилди. Жумладан, ер участкасига эгалик қилиш ҳуқуқини ёки ер участкасидан доимий ёхуд вақтинча фойдаланиш ҳуқуқини тугатиш қуйидаги ҳолларда тегишинча туманлар, шаҳарлар, виллоятлар ҳокимларининг қарорлари ёки Вазирлар Маҳкамасининг қарори билан амалга оширилади:

- ер участкасидан ихтиёрий воз кечилганда;
 - ер участкаси берилган мuddат тугаганда;
 - юридик шахс тугатилганда;
 - хизматда фойдаланиш учун чек ер бериб қўйишга асос бўлган меҳнатга оид муносабатлар бекор бўлганда.
- Қарор ердан фойдаланиш ҳамда уни муҳофаза қилиш устидан давлат назоратини амалга оширувчи орган тақдирномаси ҳамда ҳуқуқлар тугатилишининг асосли эканлигини тасдиқловчи ҳужжатлар асосида қабул қилинади.
- Қуйидаги ҳолларда эса ҳолат суд томонидан амалга оширилади:
- ер участкасидан белгиланганидан бошқа мақсадларда фойдаланилганда;
 - ер участкасидан оқилона фойдаланилмаганда, бу кишлоқ хўжалигига мўлжалланган ерлар учун ҳосилдорлик даражаси уч йил мобайнида нормативдан (кадастр баҳосига кўра) паст бўлишида ифодаланганда;

– ер участкасидан тупрок унумдорлиги пасайишига, унинг кимёвий ва радиоактив моддалар билан ифлосланишига, экологик вазиятнинг ёмонлашувида олиб келадиган ускуллар билан фойдаланилган тақдирда;

– қонун ҳужжатларида белгиланган мuddатлардан ер солиғи, шунингдек, ижарага олиш шартномасида белгиланган мuddатларда ижара ҳақи мунтазам тўланмай келинганда;

– кишлоқ хўжалиги эҳтиёжлари учун берилган ер участкасидан бир йил мобайнида ва кишлоқ хўжалиги соҳасига тааллуқли бўлмаган эҳтиёжлар учун берилган ер участкасидан икки йил мобайнида фойдаланилмаганда;

– мерос қилиб қолдирилмаган умрбод эгалик қилиш ҳуқуқини берувчи ордер кимовши савдоси асосида сотиб олинганидан кейин ер участкасидан икки йил мобайнида фойдаланилмаганда, ер участкасига мерос қилиб қолдирилмаган умрбод эгалик қилиш ҳуқуқи гаровда бўлган тақдирда эса гаров шартномаси мuddати мобайнида фойдаланилмаганда.

Фойдаланилмаётган ер участкалари уларнинг аввалги эгалари тўлаган қиймат компенсация қилинган ҳолда олиб қўйилади.

Қуйидаги ҳолда ер участкасига эгалик қилиш, ер участкасидан доимий ёхуд вақтинча фойдаланиш ҳуқуқини тугатиш туманлар ҳокимларининг қарорлари билан амалга оширилади:

Меъморчиликнинг ҳадисини олган олим

Самарқанд давлат архитектура-қурилиш институтида қарийб 50 йилдан буён талаба-ёшларга сабоқ бериб келаётган моҳир педагог, техника фанлари номзоди, доцент **Валиаҳмад Усмонов** қутлуғ 70 ёши-ни нишонламоқда.



олим сифатида институтнинг қурилиш конструкциялари кафедрасини бошқариб келмоқда. Домла шунингдек, «СВП Маскан» МЧЖга раҳбарлик қилиб, қурилиш ташкилотлари ва корхоналар буюртмаси асосида реконструкция қилинадиган бино ва иншоотларнинг техник ҳолатини баҳолаш, янги қурилаётган кўп қаватли уйлари барпо этиш учун лойиҳа смета ҳужжатларини тайёрлаш билан ҳам шуғулланади.

Унинг бино ва иншоотлар зилзилабардошлигини ошириш бўйича таклифлари Давлат архитектура ва қурилиш қўмитаси томонидан ишлаб чиқилган «Зилзилавий ҳудудларда қурилиш. Қурилиш меъёрлари ва қоидалари»нинг янги таҳририда ўз аксини топган.

Айни кунларда ҳам В.Усмонов қурилиш конструкцияларини лойиҳалаш учун ўқув-ўқувий адабиётларнинг янги авлодини давлат тилида яратиб ва нашр қилиш бўйича кенг қамровли ишларни олиб бормоқда.

Устоз турмуш ўртоғи Матлуба ая билан уч фарзандни тарбиялаб вояга етказди. 10 нафар набиранинг суюкли бобоси ва бувиси бўлиб, бахтли умр кечирмоқда.

В.Усмоновни қутлуғ ёши билан қутлаб, устозга мустақам соғлиқ, илмий педагогик фаолиятига барака тилаймиз.

Хайрулла САИДОВ,
СамДАҚИ доценти.

Умумий ўрта таълим мактаби битирувчиларининг олий ўқув юртларига кириш кўрсаткичлари йилдан-йилга ошиб бормоқда. Масалан, бизнинг мактабни 2019-2020 ўқув йилида 86 нафар ўқувчи тамомлади. Шундан 36 нафари олий ўқув юртларига ўқишга кирди. Ушбу кўрсаткич билан мактабимиз туман миқёсида энг юқори натижани кўрсатиб, биринчи ўринни қайд этди.

Булунғурда олий таълимга кириш бўйича биринчиликка қандай эришдик?

Албатта, бунда таълим даргоҳларида сабоқ бераётган устозларнинг ўрни катта. Чунки, мактабларда фанларнинг маҳорат билан ўтилиши ўқувчиларнинг пухта билим олишига асос бўлади. Бизда бундай муаллимлар кўп. Масалан, она тили фанидан сабоқ бераётган Арзикул Бердиев, тарих фанидан Шеркул Суенов, физика фанидан Амриддин Маматқулов, чет тили фанидан Зухриддин Қушақов, математика фанидан Яхшибой Эралиев, кимё фанидан Музаффар Раҳимов, биологиядан Камол Жуманов, рус тилидан Тотлибой Мардиев каби ўз соҳасини мукамал биладиган устозларимиз бор.

Эътибор бердигизми, тажрибали ўқитувчиларимиз асосан эркаклар. Демокчиманки, мактабда эркак педагоглarning ўз ўрни бор. Шундай пайтлар бўлдики, эркаклар ўқитувчиликнинг ойлик-маошига рўзгор тебратолмагани сабабли

мактабларни ташлаб кетишига тўғри келганди. Бугун эса вазият ўзгарди. Маош ҳам, кадр-қиммат ҳам жойига тушяпти. Гап зимминиздаги масъулиятни ҳис қилиб, болаларга яхши таълим-тарбия беришда.

Яхши кўрсаткичларга эришишда мактабларда тўғрақларнинг ўрни ҳам жуда муҳим. Тўғри, ҳар бир муаллим дарсни мукамал олиб боришга ҳаракат қилади. Аммо барча ўқувчи ҳам фанини бир хил қабул қилмайди. Баъзи ўқувчилар кўшимча билим олишга эҳтиёж сезади. Юқорида санаган устозларимиз дарсдан сўнг фан тўғрақларини мукамал олиб бориши, илмга чанқоқ ёшларга фан сирларини пухта ўргатиши билан ҳам эътиборга тушган.

Нурбек БАРАТОВ,
Булунғур туманидаги 11-умумий ўрта таълим мактаби чет тили фани ўқитувчиси.

РЕКЛАМА, E'LONLAR, BILDIRISHLAR / Газетамиз ҳафтада уч марта – сешанба, пайшанба ва шанба кунлари чоп этилади / Газетада чоп этилаётган реклама ва эълонлар тезкор, самарали ва ҳамёнбоп / МУРОЖААТ УЧУН ТЕЛЕФОН: 66-233-91-56

Давлат активларини бошқариш агентлигининг Самарқанд вилояти ҳудудий бошқармаси маҳаллий ва хорижий инвесторларни давлатга тегишли бўлган қуйидаги акция пакетларини сотиб олиш бўйича

БИРЖА САВДОЛАРИГА ТАКЛИФ ЭТАДИ

Савдога чиқарилаётган давлат акция пакетлари тўғрисида қисқача маълумот:
Эмитент номи – “Yangiqo'rg'on paxta tozalash” АЖ (Оқдарё тумани Янгикўрғон МЙ);
Эмитентнинг фаолият соҳаси – Пахта ниҳоллари қилиш ва қайта ишлаш;

Давлат акцияларини савдоларга қўйиш санаси ва жойи – “Yangiqo'rg'on paxta tozalash” АЖ устав фондидаги 21,4 фоиз давлат акциялар пакетини 2021 йил 26 февралда “Тошкент” РФБ” АЖда биржа савдоларига қўйилади;
Савдога чиқарилаётган акцияларнинг

умумий сони – 182 930 дона (оддий) акция;
Бир дона акциянинг номинал қиймати – 6185,59 (олти минг бир юз саксон беш сўм 59 тийин) сўм;
Савдога чиқарилаётган акцияларнинг бошланғич қиймати - 1 131 530 000,0 (бир миллиард бир юз ўттиз бир мил-

лион беш юз ўттиз минг) сўм;
Эмитентнинг устав фонди миқдори - 1 501 602 000,0 (бир миллиард беш юз бир миллион олти юз икки минг) сўм;
Савдо ташкилотчиси - “Тошкент” РФБ” АЖ;
Лотлар сони – “битта лот”.

Эмитентнинг охириги уч йил ичида молиявий-ҳўжалик фаолияти кўрсаткичлари тўғрисидаги ахборот (минг сўм ҳисобида)

Кўрсаткичлар	2018 йил	2019 йил	2020 йил (9 ой ҳолатига)
Маҳсулот (товар, иш ва хизмат)ларни сотишдан соф тушум	33 075 880,0	37 272 755,0	-
Сотилган маҳсулот (товар, иш ва хизмат)ларнинг таннарихи	30 174 501,0	36 539 550,0	-
Фойда солиғини тўлагунга қадар фойдаси (зарар)	349 414,0	34 716,0	-
Ҳисобт даврининг соф фойдаси (зарари)	300 496,0	300 550,0	259 379,0

Талабгорлар эълон берилган кундан бошлаб 30 (ўттиз) кун ичида “Тошкент РФБ” АЖнинг маҳсулот портали (сайти) орқали биржа қоидаларига мувофиқ давлат акция пакетлари сотиб олиш бўйича ўз таклифларини тақдим этишлари керак.

Биржа битими энг юқори таклифни тақдим этган талабгор билан биржа қоидаларига мувофиқ амалга оширилади.

Эмитентнинг охириги уч йил ичидаги молиявий-ҳўжалик фаолияти бўйича тўлиқ маълумотларни сотувчи, эмитент ёки сотувчининг

инвестиция воситачисидан олиш мумкин.

Талабгорлар давлат акцияларининг сотувчиси ёки сотувчининг инвестиция воситачиси ҳамда эмитентдан давлат акцияларини сотиб олиш учун ўзи қарор қабул қилиши учун зарур бўлган қўшимча ахборотни сўраш ва олишга ҳақлидир, ўзининг ҳусусиятига қўра хизмат ёки тижорат сирини ҳисобланган ахборот бундан мустасно.

Қўшимча маълумот ва саволлар юзасидан қуйидагиларга мурожаат қилишингизни сўраймиз:

Сотувчи: Давлат активларини бошқариш Агентлиги Самарқанд вилояти ҳудудий бошқармаси;

Манзили: Самарқанд шаҳри Кўксарой майдони, 1-“а” уй;

Телефон рақами: +99891-537-32-12;

Телефакс рақами: +99866-233-73-54;

Электрон почта манзили: samarqand@davaktiv.uz

Веб сайт: samdavaktiv.uz

Сотувчининг инвестиция воситачиси: “Мулк сармоя брокерлик уйи” акция-

дорлик жамияти;

Манзили: Тошкент шаҳри Мустақиллик шохқўчаси, 107-уй;

Телефон рақами: +99890-993-95-58;

Телефакс рақами: +99871-267-34-96;

Электрон почта манзили: msbu-depositary@mail.ru

Веб сайт: www.ndvakt.uz

Эмитент: “Yangiqo'rg'on paxta tozalash” акциядорлик жамияти;

Манзили: Оқдарё тумани Янгикўрғон МЙ;

Телефон рақами: +99893-353-41-14.

Ақтам ЭЛМУРОДОВ

Бешафқат ўлим республика ветеринария соҳаси фидоиларидан бири, Самарқанд ветеринария медицинаси институти доценти, моҳир педагог ва иқтидорли олим Ақтам Элмуродовни орамаздан олиб кетди.



А.Элмуродов 1942 йил 18 октябрда Оқдарё туманида туғилган. 1957 йилда ўрта мактабни тугатиб, Самарқанд зооветеринария техникумида тахсил олди.

Техникуми битиргач, 1961 йилда йўлланма асосида Бухоро вилояти Вобкент туманида фаолият кўрсатди. Бир йилдан кейин ўзи туғилиб ўсган Оқдарё туманида веттехник сифатида меҳнат фаолиятини давом эттирди.

Илмга иштиёқ, олий маълумот олишга интилиш туғайли А.Элмуродов 1965-1970 йилларда Самарқанд кишлоқ хўжалик институтида тахсил олди. Шундан кейин бир мuddат республика оқсил касаллигига қарши курашиш экспедицияси ветеринария врачси сифатида ишлади. 1971 йилда Самарқанд кишлоқ хўжалик институти маъмуриятининг тақлифига кўра, институтга қайтиб, гистология ва патологик анатомия кафедраси ассистенти, катта ўқитувчиси, 1993 йилдан шу кафедранинги доценти вазифаларида фаолият олиб борди.

Профессор Ш.Ибрагимов раҳбарлигида номзодлик диссертациясини муваффақиятли ҳимоя қилди.

Устоз умрининг охирига қадар хайвонлар анатомияси, гистология ва патологик анатомия кафедраси доценти сифатида фаолият кўрсатди. Моҳир педагог ўзининг узоқ йиллик илмий-педагогик фаолияти давомида кўплаб илмий мақолалар ҳамда ўқув адабиётлари ёзиб, талабаларга фан сирларини ўргатди.

Ақтам Элмуродович намунали оила бошлиғи сифатида фарзандларини ҳам эл-юрт қорига ярайдиган, зиёли инсонлар қилиб тарбиялади. Улар орасида ота касбини давом эттириб келаятганлари ҳам бор.

Устознинг ёрқин хотираси шогирдлари, дўстлари ва институт жамоаси қалбида мангу қолади.

САМАРҚАНД ВЕТЕРИНАРИЯ МЕДИЦИНАСИ ИНСТИТУТИ ЖАМОАСИ.

Жомбой транспорт касб-ҳунар коллежидан 2019 йилда Рустамов Муроджон Аҳмад ўғли номига берилган рўйхат рақами 453, К № 5583671 рақамли диплом ва унинг иловаси йўқолганлиги сабабли бекор қилинади.

Ургут туман мактабгача таълим бўлимига қарашли 40-сон давлат мактабгача таълим ташкилотининг гербли думалоқ муҳри ва бурчак тамғаси йўқолганлиги сабабли бекор қилинади.

Каттақўрғон туман жисмоний тарбия ва спорт бўлимининг (СТИР: 207282074) гербли думалоқ муҳри ва бурчак тамғаси йўқолганлиги сабабли бекор қилинади.

Самарқанд давлат архитектура-қурилиш институтидан 2008 йилда Қосимов Бахтиёр Хожиқурбонвич номига берилган рўйхат рақами 302, В № 401492 рақамли диплом ва унинг иловаси йўқолганлиги сабабли бекор қилинади.

Паст Дарғом туманидаги «SHOXRUJ UMID BARAKASI» хусусий корхонасининг (СТИР: 302943881) думалоқ муҳри йўқолганлиги сабабли бекор қилинади.

Самарқанд давлат тиббиёт институти қошидаги академик лицейдан 2017 йилда Ҳақимов Зарнигор Фарходжон қизи номига берилган рўйхат рақами 129, Л № 019163 рақамли диплом ва унинг иловаси йўқолганлиги сабабли бекор қилинади.

Қўшработ туманидаги 70-умумий ўрта таълим мактабидан 2007 йилда Қўшқорова (ҳозирда Тангирова) Нодира Амонбоевна номига берилган О`Р-Ш № 0630586 рақамли ўрта маълумот тўғрисидаги шаҳодатнома йўқолганлиги сабабли бекор қилинади.

ТАДБИРКОРЛАР ДИҚҚАТИГА!

Ўзбекистон Республикаси Вазирлар Маҳкамасининг 2017 йил 24 ноябрдаги 942-сонли ҳамда 2019 йил 4 мартдаги 189-сонли қарорлари ижросини таъминлаш мақсадига ҳамда Ўзбекистон Республикаси Мудофаа вазирлигига қарашли Қўшработ тумани Заркент қўрғонига жойлашган 99850-сонли ҳарбий қисм томонидан жорий йилнинг 21 январь кунини вилоят ҳокимлигига йўллаган 86-сонли хатига асосан мазкур ҳарбий қисмда ҳарбий хизматчиларни овқатланиш сифатини тубдан яхшилаш бўйича аутсорсинг тизимини ташкил қилиш режалаштирилган.

Шунга асосан аутсорсинг тизимида иштирок этмоқчи бўлган умумий овқатланиш соҳаси билан шуғулланаётган тадбиркорлар вилоят ҳокимлигига **2021 йилнинг 4 февраль кунига қадар (Самарқанд шаҳри Кўксарой майдони, 1-уй. Телефон: 66-235-23-50)** мурожаат қилишлари мумкин.

ДАЪВОЛАР БЎЛСА

Пайариқ туман давлат хизматлари марказидан 2018 йил 12 сентябрда 635293 реестр рақами билан рўйхатга олинган «ELYOR UG'ILOY INVEST» оилавий корхонаси (қисқартирилган номи: «ELYOR UG'ILOY INVEST» ОК) ихтиёрли равишда тугатилмоқда.

Шу муносабат билан унга билдирилмаган барча эътирозлар газетада эълон чоп этилган, икки ой давомида қабул қилинади.

Корхонаниннг почта манзили: Ўзбекистон Республикаси Самарқанд вилояти Пайариқ тумани Челақ шахарчаси Катта Чобдор кўчаси, 30-уй.

Корхонаниннг солиқ тўлайдиган идентификацион рақами (СТИР): 3057444597.

Самарқанд шаҳридаги «УКТАМ ОШН YONBOSH» масъулияти чекланган жамияти (СТИР: 301524629) ўз ташкилий-ҳуқуқий шаклини «УКТАМ ОШН YONBOSH» оилавий корхонасига ҳамда ўз манзилни Самарқанд шаҳри Гагарин кўчаси, 198-уйдан Самарқанд шаҳри Махтумқули кўчаси, 10-уйга ўзгартиради. «УКТАМ ОШН YONBOSH» оилавий корхонаси «УКТАМ ОШН YONBOSH» масъулияти чекланган жамиятнинг барча ҳуқуқ ва мажбуриятлари бўйича ҳуқуқий вориси ҳисобланади.

Шу муносабат билан унга билдирилмаган барча даъволар газетада эълон чоп этилган, бир ой давомида янги манзилда қабул қилинади.

